

Livre à drozine
fournant à tous les pauvres que cher-
chent la religion



1870

天主降生一千八百七十年春

提正編



主教耶穌會士郎准慈母堂重梓

耶穌會

後學

賈宜睦

利類思

安文思

洪度貞

成際理

瞿西滿

李祖白

朱宗元

何世貞

准 訂

閱

值會
燕吳

明山
海虞

提正編叙

厥初 天主生人。畀以形

神。原無疾病。自人類元祖。

悖違 主命靈神受病。形

病繼之。爰及苗裔。卽如一

痘之症。稟於胎元。如石之
有火。隨感而發。無能免者。
况人身轉合於火氣水上。
四情。苟或不加調燮。其一
生病患。可勝數哉。然而神

病。更有甚焉者。因原罪而
生本罪。蔓延滋長。迄無底
止。又以罪屬無窮。非
親救不可。主乃大發慈
愍。降生塵界。被釘十字架

死。以救贖之。復活在世。不
遽升天。親立教規。付於宗
徒。譬如醫然。什聖水者。驅
邪湯也。行告解。拔除病根。
散也。領聖體。扶元固本丸。

也。人能服此。行見形神清潔。必獲常生矣。哀今之人。形不若人。則知惡之。神不若人。則不知惡。此西士所以修道式訓。不憚九死。一

生而至此也。然而羣奉異
端相因日久。則譬諸病目
之人。睹太陽光。匪直避之。
且欲嫉之。故有譚 造物
眞主至尊。獨操生養賞罰。

而莫窮其理。則惑矣。有譚
眞主至慈。不惜降生救贖。
而莫求其故。則誕矣。有譚
眞主至惠。特隆寵照輔翼。
而莫識其恩。則藐矣。有譚

眞主至教。定立持誠領洗。
告解滌愆。與夫望領聖體。
而莫察所以然之理。非啞
然笑。則漫然譏矣。夫微言
妙理。與俗相違。安望其信。

從乎。九翁有慨於中。而作
斯編。命曰提正。始列
恩以明其本。終示
以約其規。要以踐形盡性。
原染悉捐。疚惡不作。底於

常生之域。一編之中。三致
意焉。嗚呼。泰西諸儒。格物
致知。探玄抉奧。守眞絕色。
勤悔闇修。冒險不避。就苦
如飴。先正已而後正人。蓋


不。止。諄。諄。勸。誨。言。提。其。耳。
而。已。者。學。者。目。覩。斯。編。而。
翫。繹。弗。輟。則。我。心。庶。幾。可。
清。究。與。諄。疾。忌。醫。者。遠。矣。
是。爲。叙。

擬正編

卷六

順治己亥季夏日岱淵修

國器題



提正編目錄

卷之一

主德

小引

主尊

生恩

養恩

卷之二

主贖

綜旨

降生何意

要理八端

降孕

聖誕

受難

解疑

復活

昇天



解疑

善極

愛極

慈極

顧極

義極

能極

智極

寵恩



驗效

卷之三

主報

懷死

死情

善生善死

善生畏死

惡生惡死

懷審



懷獄

懷天

卷之四

主惠

顯報

特顧

特寵

特照

望寶

指工經

善尊

善樂

惡苦

准祈

險祐

物備

災說

卷之五

主重



刻遷

超愛

德易

一善

卷之六

主庇

持誠

聖洗

聖水滌罪

聖洗愈病

聖洗有三

善人必獲寵祐

告解

大過必告

解罪之要

過勿憚解

總解之要

真悔實告

瞞罪重罰

實告滌罪

改過

存寵

聖體何意

解疑

愛奇

存寵何如

存養形命



得天常生

領聖體二要

何故宜領

何時宜領

何心宜領

領前何敬

領時何敬

領後何敬

聖體預像

求領禱文

已領禱文



提正編目錄終

批正統

金



提正編卷之一

遠西 耶穌會士賈宜睦著

主德

小引

夫人終日戴天履地。亦知上有一尊。宰握萬有六合。內外無微勿貫。無幽勿燭。無令勿稟乎。顧此至尊者。不待人尊之而始尊。且人卽知其尊。而不知所以尊之之故。猶之弗尊也。欲知所以尊之之故。請先視其所生。生天以覆爲人也。生地以載爲人也。生萬物以

養爲人也。三者具矣。而又時時照護保存之。主之
加恩於人。靡所不至矣。人卽殫心力以尊之。亦職分
之本然耳。迨夫世之降也。性教既晦。書教亦湮。富貴
則驕奢。貧賤則尤怨。嗜欲繁興。誘惑沓至。犯罪者滋
多。上主乃用無始以來。降生救贖之本意。以第二
位聖子。降生救贖。胎於童貞之母。而爲人。謂之 耶
穌。以身立教。開萬世昇天之門。嗟乎。吾人戀富貴而
下墜。耶穌則生貧賤之家。吾人好逸樂而下墜。
耶穌則任勞苦之事。吾人縱淫慾而下墜。耶穌則

表童貞之潔。吾人爲肉軀而下墜。耶穌則被釘十字架。凡以作人儀表。而贖人種種罪愆也。蓋惟天主至尊無匹。人獲罪至尊。則其罪之重亦無匹。非聖人可贖也。非天神可贖也。必待眞天主。以至尊之體救贖之。則其贖始與人罪相準。至於苦難加之不辭。僇辱投之不避。人罪贖盡。天門始開。生養之恩由救贖而始全矣。至於立規誠定大禮。使善者知賞而崇德。惡者知罰而戒懲。此又天主極至之仁慈。令凡世之人。免下墜而得上昇也。但人負原罪。又造

本罪必用聖洗禮。乃得昇天。否則不得也。奉聖教者。
善必力行。偶不善。卽告解。乃得昇天。否則不得也。迨
夫勤告解矣。德日進。過日尅。上主寵亦日加。又須
領聖體。以存養其寵照。所以嚴修之士。信望愛者切。
主乃默啓之。顯植之。曲祐之。以苦試之。以樂慰之。
德曰與。主合。而主之恩寵。日與人遇矣。不然。自
絕於主。如水下流。如石下墜。豈可挽乎。

主尊

尊父者。因分也。尊君者。因位也。尊諸神聖者。因其德。

又爲我等之護守主保也。等而上之。則有且君且父。且聖神。我等日欽翼昭事。而無敢戲渝者。非天地民物之眞主乎。蓋天主之尊至極。不可得而名。爲君父神聖之萃。則不可但以尊君父神聖之尊尊之也。聖悌阿宜削曰。主之所以有。極萬有之本有。主之所以榮。極萬有之原榮。主之所以至美。照萬美之宗美。如榮宗美。不啻黑影之於太陽也。蓋萬有萬榮萬美。從主生。而主之榮美。不從外生。從內有也。萬物有有。

始有終者。有有始無終者。惟天主爲無始無終。而能始物終物。因其本有。付物之有。無此本有。則無物矣。此爲無上無對。乃所以然之初所以然也。則宜尊之萬有之上矣。令之尊崇天主。各有所由。有畏罰而尊之者。有望報而尊之者。有好善而尊之者。有忻樂天主之心而尊之者。畏罰而尊之者。庸才也。柔而懦。望報而尊之者。見淺也。貪而怠。好善而尊之者。中人也。意美而識未優。忻樂主心而尊之者。傑士也。念專而量未廣。惟實見至尊之源。不藉諸所爲之。

尊而尊。則我之尊之。亦惟知其爲開闢以前。與開闢以後。咸所當尊。因而亹亹焉。惓惓焉。生不顧。死不惜。念茲在茲。黽勉衆德。以事一主。此則聖賢尊主之心矣。夫尊如天子。猶有時代。天主之尊。無代謝。無人無神。不當尊。此爲天下萬世之常尊也。西土有曰。有光如日。可覩而不能盡覩。爲光大而目眊也。人之視玉曷以異是。乃世有尊奉佛老者。曰世尊。曰天尊。亦思佛者。獨非天主所生之人乎。一旦抗主悖。主自稱天上地下。惟我獨尊。謂天下事物。色

起於空。有生於無。遂以空無爲道。不知自有始而言之。則始於空無。自無始而言之。則非空無也。卽如色從無造。而使之所以然者。空無不能主。則必當推無元之元之。天主矣。可以定所尊矣。



生恩

夫天主之尊無對矣。然欲推罔極之恩。以發欽敬之端。生恩宜首想及也。今試向人而詰之曰。爾身誰生乎。則必曰父母。試又詰之曰。然則爾靈誰生乎。獨不可自返曰。天主乎。無天主。則徒具肉軀。有此靈性之記。含明悟愛欲乎。且微獨性靈也。并此耳目口體。何一非上主所生者。今耳能聽。目能視。口能言。四體能動。安爲固然當然。不知其所以然。則試進一聾瞽瘡跛者於前。而有能使聾者聽。瞽者視。瘡者。

語跋者行人必頌美感戴矣。天主生人形神具備。
而不知頌美感戴。豈獨自喪厥性。雖謂之幾無耳目
口體者可矣。

天主生人。如父母愛子。然父母雖愛子。而力有所不
及者。天主必克及之。大公至慈。未嘗冀報。爲之子
者狃於固然。而不察夫所以然。恬不知報。罪可勝言
哉。

試思天主設於肇造時。不先生物。而遽生人。則人
欲食不得。欲衣不得。欲倚藉無所從。自始迄今。衣者

食者有倚藉者之受福也。人不感。主之生恩。不如無生矣。

聖與斯定曰。吾主生我。無爾則無我。爾爲造我之主。我爲爾所成之物。感何能罄。昔古教時。天主凡有惠澤。纖微必記。何今人刻刻蒙主恩。而獨忘之。卽一氣也。晨暮取之以生養。時取時與。無有吝惜。苟氣瞬息有出而無入。生命遂絕。况我之戕我者甚衆。而主之與我生者不竭。自母胎以迨長壯與老。主恩源源。歲月並加。凡所以惠我生者靡不至也。然

上主生我之意。豈止在肉軀乎。肉軀爲靈魂之奴。

天主惠我肉軀。正欲輔我靈魂。以仰事天主。靈魂爲肉軀之主。其用有三。一明悟。凡理之精微。性之幽深。窮理超性之學。皆可以明悟之。二愛欲。卽以所明悟者愛之。三記念。括明悟愛欲之肯綮。由此保存勿失。三者之受於天主。非天主之全能。曷克有此。

養恩

敬仰大王。因生我恩。生矣復養。其恩何如夫。天主生我。猶舉意間也。至於養。則恒保存之。苟天主。

不生。則無我。苟生而不恒保存。我仍歸於無。故生爲
須臾之生。而養又爲常久之生。夫一人登浮屠之巔。
欲墮。一人握髮懸之。伸其握。必下墜。惟仰冀其時刻
在握。始免墜也。吾人在世。不啻懸髮於塔巔。惟刻賴
主握。始全生命。乃時受掌握之恩。而不知所敬。何哉。
聖奧斯定曰。天下萬物。一聲一色。莫非廸醒我敬。
主之具。天若曰。我用光照爾行。晝以日。夜以月。星。爾
則行止自如。或背主。或貪淫。我照爾。爾曷不奉
主命。氣若曰。我受爾吐穢氣。茹爾清氣。萬彙胥吾氣。

以生。爾何遊於氣而不覺。惟縱已性。而不聽。主命。
水若曰。我潤五穀。以充爾腹。滋草木。以娛爾目。且以
其香。馨爾鼻。以其味。供爾舌。又以珍鮮。飫爾而不乏。
我聽爾命。爾曷不奉。主命。土若曰。我全括萬物之
生。以育爾形。且自幼迄老。以載爾生。死則收爾形。與
爾生死不離。周旋於爾。爾曷不奉。主命。是則天下
萬物。天主皆爲人而生。莫不聽爾命。而爾違。主
命。不如物矣。嗟乎。天主養我。非僅顧我口腹也。謂
飲口腹以養神明。使之在世立功。後必在天享福也。

若徒饜口腹。而不知報。譬之豕然。豕首常向地。爲其無明悟。不知天主爲飲食之源。惟以體挨磨菓樹。待菓墜食之。并不知菓從樹下也。何也。爲其無仰天之性也。人面恒向天。而志恒向下。不幾於豕耶。

統論養恩卽物而推。微獨五穀養我。卽百菓亦佐我養之所不及。微獨肥甘養我。苦草毒藥亦以劑我養之太過。醴泉甘露養也。而霜雪永漚。何莫非養。腊膾染肉。養也。而藜蔬荼毒。何莫非養。以至五聲養耳。五色養目。道德仁義養心。喜怒哀樂養性。天主之所

以飽我飫我者。豈有窮盡哉。人何可徒食德而不知報耶。



提正編卷之一終

提正編卷之二

遠西 耶穌會士賈宜睦著

主贖

綜旨

蓋自元祖亞當犯罪以後。生痛悔心。日求主赦。

天主遂允所求。爰諭之曰。汝造罪後。當生一男。有超

越人之功。以贖人罪。元祖領受主旨。命其子孫。日

望天主降救。蓋天主降救之意。有必宜然者。當

始造亞當時。天人之間。相去不遠。而亞當明悟。初未

汨沒纔得誤食一菓之罪。卽知上逆。主命痛悔不追。後世性習相違。聰明日蔽。天人之間。相去懸絕。以無形無聲之主。待有形有色之人。自難融合。慈愛何以克盡。惟降生斯世。親爲救贖。因有教誡禮規。爲後世洗罪升陟之倚賴。此之慈愛。比生養之慈愛。無際。世人不知原罪之故。亦不知主允元祖之請。故於降生一事。每生疑覈。又或誤認形天。不認主宰。非謂渺茫無據。則謂高遠難親。然格物致知者。推而測之。自知萬有之上。定有一尊。有一尊。因有生養。若

救我贖我之恩此屬天主超性之恩載之古經傳之信史。開闢以來未遭焚溺迨至景宿告祥天神預報至聖先驅而天主降生適與古經符合贖萬世人類已造之罪開萬世人類洗過之禮洪慈大德非人心口所能形容世人銅迷不肯體味厥旨或以爲假託附會不亦大罪人乎。

天主精蘊已悉載所譯諸書但世溺魔教而降救大恩迷於心目昔耶穌有云非我父所與不克卽信我也如讀茲編苟非主照定屬柄鑿必虛心仰承

主寵庶有所獲如恃一已淺識欲測天主與義譬
取螢光以照泰山八面其可得乎所以未明天主
妙義驟聞降孕則疑爲誕繼聞降生則疑爲罔至聞
受難釘死復活升天益爲怪異不經矣苟細探與理
未有不信爲真實爲非常大恩而絕非怪異者余故
編次降孕聖誕受難復活升天結以解疑以啓人信
復編次善極愛極慈極義極顧極能極智極結以寵
恩效驗以啓人因信而生愛焉讀者詳之

降生何意

吾人靈軀二者合而成人。母胎孕時先成其軀。其軀成時靈魂卽賦而人位乃發。所謂位者非爵位亦非也。天主生人常制也。若論天主第二位降生。

聖母惟因天主聖神之能受孕。是爲耶穌。既有人性。宜發人位。然天主旣取此人性。合於第二位。則不容人位另發。故吾主耶穌總包三體一位之妙。靈體一。軀體一。主性體一焉。人性因合。主性充滿大寵。非第絕無原罪。亦不得致有原罪。并無愚蒙肉情逆靈意之迹。此則大異吾人矣。然降生雖惟

第二位而第一第三實同一體。則知降生之實。固在
一位。而降生之功。三位並成。譬之三人共製一袍。且
三人共幫衣之。然衣之者只一人耳。且第二位實是
天主。其性體不殊。第一第二第三。蓋天主三位。本共一
性。則第二位實降生合人性。天主公性隨之。故
主與人二性之合理。最玄奧。粗比之樹。天主聖子。
其樹體也。上有二枝。一自根發。主性是。一自外接。
人性是。而二枝各自一性。同爲一樹。非可別之爲二
者。是之謂。主性合人性。

或曰。降生止第二位。第一第三隨之。何也。曰此理甚深。吾輩宜信。天主所行。比之太陽。有輪光熱三者。太陽照物以光而光。永不離輪。永不離熱也。

又曰。第二位降生。第一第三不降生。何也。曰聖賢詳論此理。畧引數義。一。因天主第二位。自無始爲。

天主父所生之子。宜於時爲人所生之子。二。天主子。自無始爲。天主父所生之眞子。宜其降生。以令人爲人。天主所立之義子。三。天主子。屬天主之全知。天主父憑之以化成萬物。宜其降生。以救人。

所壞之物。四。元祖亞當。感於魔誘。傲擬天主全智。因而得死。宜第二位天主之全智。降生復活之五。天主三位中之第二位爲上。天主下世人之中。宜其降生。六。第二位。天主內像也。吾人。天主外像也。蓋天主造初人云。造人爲吾儕像。自元祖獲罪。壞主外像。故內像降生。以復全之。

要理八端

一。天主全知。已往未來之事無一不爲現在。蓋神與人必不能知人心之事。惟天主無所不在。則無

所不知。故能知之。

二。神及人。或魔預說人心未來事。必天主默啓之。
否則不能。

三。元祖亞當既犯罪。猛醒疾悔。哀求主赦。主允其求。爰諭之曰。日後當令童女生一男。立至大功。汝罪方贖。自是後世。疊見先知者。俱蒙主照。詳語救世主之情實。

四。上古以來。或聖或神。或魔預言降生之事。一一符吾主耶蘇言行之實。故救贖之功。萬不可疑。

五。聖跡乃爲天主印記。以證正道。及諸善事之眞。
蓋天主與理。若三位一體。降生等事。非人心所能
徹。天主欲人驗其必降生。所以耶穌行諸聖跡。
俾由人心力所及。以明心力之所未及。

六。設令諸天神聖人之力。咸合於一。自恃已力。必不
能成一聖跡。如人目瞽。不能明之。身蠹。不能愈之。死
者不能活之。緣聖跡超越受造者因性之力故。

七。設有聖人能行聖跡。必恃天主異庇。爲救人之
事。且證正道之實。

凡。何以驗聖人能行聖蹟之實。約有三義。其一。能行聖蹟。蓋其德性純粹。超越常人。其二。所行聖蹟不自居功。必欲引人敬事。天主以益人靈。兼益人軀。其三。凡有聖蹟在世。必其人欽。主極誠。舉口舉意。祈籲。主祐。慈。主隨尤其求。若外教者。與邪魔交。亦間有顯奇異者。然終屬虛幻。徒使人一時妄信。歷久自知其非。豈可與吾。主真教之聖蹟。同日語哉。

降孕

天主降生之效。雖屬無窮。要之古經所預言諸事。一

一叅驗吾。主耶蘇行實。如符券然。蓋天主父遣子降生世間。欲人明認。故默諭古聖曰。救世真主降生。當於某時。某所。某王裔。貞女爲母。大聖爲前驅等事。

論其時。聖達尼爾預言曰。天主降生救贖之時。在七次七十年以後。今按天主降生救世。果後此四百九十年。

論其所。爲納匝肋郡。古經云。納匝肋吾。主耶蘇之居鄉。是卽聖母故居。爲天神來報之地。

論其世爲達味聖王後裔之世。接古經天主常許聖亞罷郎。及其後達味聖王子孫必有救世之主出焉。及吾主降生爲人實爲達味二十凡世孫距亞罷郎四十世。

論其母一童貞之女古聖依撒意亞在天主之降生前七百八十年蒙主啟牖言降生事實甚詳。向其國王曰童女將孕產一子故先知童女瑪納亦曰救世主厄白勒亞童女產之迨吾主降生實不因人道而因聖神之功。孕生於瑪利亞童身之聖

母。蓋厄白勒亞之貞女也。

或曰。天主欲不借母胎。而從空降世。降之日。卽成大人之身。似於天主全能無難。曰。若然。人將以爲怪幻。且天主降生。欲爲吾人標榜。非真人體不足爲人表。吾人旣獲罪。天主必待有一人性合。主性者。代爲之贖。故必宜降孕而生。

或曰。童女不因人道。何由能孕。曰。寧不知天主全能。自無造有。以土造成人祖亞當。後以其肋骨化成厄襪乎。况今實以聖母之淨血。孕生耶穌。何難。

之有。蓋天主欲示其寵愛貞德。故以純潔之女爲母。緣世人悉汚色慾。以致永殃。今吾天主降世。欲人仰慕貞德。以招永福。

論其前驅先知之聖依撒意亞曰。必有聖爲之先驅。呼號於野。令人整齊。主道。蓋指若翰大聖。闡明聖教於衆。令人認識耶穌爲救世真主也。惟時若翰母意撒伯爾年已垂老。將孕前天神告其夫匝加利亞曰。汝母怖爾妻將產一子。宜名若翰。卽從母胎被滿聖寵。異日開引衆迷歸向真主。爲主前驅。

是三福音卷二

大聖者。又天神報。聖母曰。瑪利亞勿駭。爾幸獲上主福寵。將懷孕而產聖子。當稱耶穌。實爲天主子。上主將與之達味座。而爲世世主。其國亦爲世世國。教澤無疆也。聖母曰。吾矢志童貞。孕產如何。天神曰。此由天主全能庇爾。且不觀爾表姊乎。暮年蒙主賜姪。六月矣。聖母亟往顧時。表姊尚秘其孕。聖母一見稱賀。其子若翰在胎。卽領主照。不勝踴躍。其母亦蒙主照。卽知天主降孕於瑪利亞。呼號而致祝曰。女中爾爲讚美。爾胎子並

爲讚美。我何德能。而使吾

主之母。遠賜降臨。及若

翰誕生。其父匝加利亞蒙

主神照。能言未來及。

天主耶穌與旨復顧其子曰。期爾將預言。上尊之事。及爲驅道者。乃若翰年頤長。德彌進。恒居曠野。待時而出。以闡耶穌聖教。

試按聖經先知之言。與耶穌聖母受孕降生。及聖若翰前驅等大異靈跡。一一符合。則耶穌真爲降生之天主。昭昭可驗矣。

聖誕

若耶蘇誕生之情。足徵爲眞救世主者。有數端焉。耶蘇在胎九閱月。於誕期將至。卽令其母往白冷府。途次山洞。乃降誕焉。誕由母腹。而不損其貞。如玻璃水晶之透日光。出入無碍。一也。其在母胎。任歷長途。母體輕健。如無孕者。一也。產當子時。空中光明如晝。尤品天神。群來覲衛。贊揚主能。慶賀人云。上願天主永永榮福。下願善心之人。永永和平。又導牧童曰。古聖所望降來救世之天主。今晚降生。爾輩宜往慶拜。一也。又有異星懸空。遠導三王來觀。王

既至。星卽倍耀而止。時三王不嫌其居室之隘。孩童之體。俯伏頂禮。而認其實爲天地。真主一也。接西史。古建大殿。國王卜之邪神。問何時傾。邪神曰。童女生子。殿乃傾。時人以爲童女無生子之理。必是殿永存而不毀也。至主誕之夜。殿乃傾。與邪神言符。也。土俗事一邪神。有問輒應以言。當夜國王往問以事。嘿不應對。強之。乃曰。某地生一嬰兒。而負全能。彼弗我許。我不得言。一也。俗又祀一淫神。以禱子嗣。是夜神像隕仆。凡犯拂性邪慾之人。悉死。以顯吾主。

耶穌甚惡淫穢。以尊聖母貞潔之德。一也。是時天現三日。合爲一日。亦以吾主耶穌一身包三體。一位之妙。亦著三位一體。悉載聖嬰本體之上。一也。復有白雲光勝於日。自東而西行。週天。白雲著至潔之德。週天著普世之主。一也。又羅瑪府見天顯圓光。內有至貞童女。手捧孩童。下有二字。曰天臺。以後遂建聖母堂。其名曰天臺殿。至今尚在一也。又有地終日流脂泉者。註爲在世天主聖寵朕兆。流麥泉者。爲後日耶穌立聖體朕兆。其徵應靈異。莫能殫。

記合而觀之。天地萬物。舉證。耶穌爲救世。眞主。

雖聖嬰同衆呱呱乎。然自顯

天主威光臨下。如此

有赫也。

上引魔言。乃是言以爲後來降生之証也。

受難

記 耶穌受難前一晚。惡黨訪覓。耶穌應之

曰。我是。我是二字甫出口。而彼五百人忽盡仆地。非

主許其復甦。彼輩盡死矣。是時有宗徒伯多祿在焉。

手執利刃。劈彼惡逆。去其一耳。耶穌曰。我爲人贖

罪。願受苦難。卽以耳復合之。渾全無恙。此正。耶穌

欲顯全能在我之意。苟欲禁除惡逆。不用天神。不需器械。舉口而得無難者。若夫被審之時。身歷諸苦。顏色不變。堅強毅忍。遂令斷者信爲天主。且生畏心。而受苦至重至多。又令邪魔緣以測知。是苦難必非人所能受。且夫人罹禍患。魔之願也。而於此則反阻之。當比辣多將決罪時。魔令其妻勸勿決。蓋緣測知受難者是主。必致大利於人世。觸其所忌。故阻之。其負十字架於途也。有婦以帕拭其面。隨印一像於其帕。迄今燁然如生。又耶穌殮布印其聖容。并聖

血之跡。見者必心動。必生悔罪意焉。此異跡力量之
弘大。非天主其孰能之。且耶穌負十字架時。語
隨泣之婦曰。汝無哭我。哭汝之子孫。蓋言其子孫必
及於難也。迨越四十年後。主先默牖教中人。城居
者漸次出城盡。輒有西方總皇帥兵來攻。卽營於
耶蘇被釘之加爾瓦山。又兵到之日。卽耶穌受難
之期。抑何異也。圍城五閱月。獲亡者釘死於樹。目計
五百人焉。克城後。尚有殘民。乃輸錢買之。每三十人
與一銀錢。夫惡黨之收。耶穌用三十銀錢。而此則

每三十人一錢。且昔所收者。卽所釘者。而此則逃者
死之。存者仍奴之。失主失國。無殿以祭。無所以居。其
罰之永。至審判時將近。始得明知而悔。報何重也。使
耶穌受難而實非。主報罪何重至此乎。然此罪報。
畧言報人之身耳。其靈受死後永獄之罰。又豈有限
量乎。蓋以人至微而慢。天主至尊。報罪自無涯際。
且耶穌釘死時。一切無知之物。若有知覺。不堪痛
極者。然維時大地震動。石相擊碎。觸裂。耶穌十字
架左偏石。以示非偶。其架傍被釘右盜實認。耶穌

爲天主深悔懇祈之曰吾主至爾國幸不我忘耶穌允之又塚墓自開先聖多有復活現人前者若耶穌非眞天主安有自己已死能令死者復活兵將等見諸奇異皆惶懼相謂曰是眞天主子也又古殿門鎮石忽墮有天神空中語曰我等當離此殿矣蓋證舊教之當除也而空中懸帳忽裂以示吉教垂盡之意當耶穌釘十字架時其時正值望日午時月乃違其常運自西徂東竟掩日輪全地昏黑如夜又閱十二刻之久爲從來所未經之事有大賢諳

於天文。名弟阿尼削者。仰視日蝕之異。愕然曰。此或
造物主被難耶。抑世界將終耶。後宗徒保祿至其地。
亞德納傳教。弟阿尼削詳知。遂虔從聖教。成大聖云。
夫 真主降生。無物不敬之。天若有靈。認其生。則現
光星地。若有靈。認其死。則發大震。以至山石認之而
碎裂。海認之而息。浪獄認之而古聖還活。嗚呼。天下
無知之物。尚能認識救世。 真主獨至。吾人昏迷本
性。不知向慕。不知敬悔。反訾斥之。誣辱之。則人之靈。
反不如物之蠢也。誠爲可愧可憐之極矣。

解疑

或問 天主至尊降生爲人。至於受侮受難被釘而死。似爲極襄。曰否。其義約畧有四。

一。大服人心。天主以萬民之罪。設驟顯威容。遽加重罰。或降生救人。先自處崇高榮樂。恐世人爲惡不悛。未必盡服。卽服或出勉強。卽非勉強。未必永遠心服。惟是降生救贖。樂受苦難。至愛親切。由是人心愧服。必真必永。必發大愛。

二。大攻人世之讐。世人得罪。天主是天主之讐。

也。天主欲遽加重罰。亦復何難。然遽加之。則義顯而仁不顯。故不事嚴威。降生而身受苦辱。庶世人向爲主讐者。莫不感其至愛。發愛主心。然則天主降生受難。非襄威。正大顯其威也。

三。大救世人之罪。蓋人罪多端。咸有其根。天主救人。必欲拔去其根。夫罪根約有三端。好色。好財。好名。天主降生立表。絕色。絕財。絕意。以身立表。以開上升之路。乃後人亦有效法者。

四。大該諸德之美。試觀國君處尊高行一德意。人必

仰慕之行數百德意。則人仰慕之尤深。若一事而該諸德。人未有不世世佩服爲永賴者。天主自造成天地萬物以來。何物何事。不顯其德能大惠我人乎。惟爲萬民贖罪。降生受苦。則越從前造化之功。而開以後榮福之恩施。是誠一事而該諸德之至者也。

或問 天主降生救贖。是矣。然其生也。何必馬槽。其死也。何必受萬苦萬難。被釘十字架極刑。曰 天主降生救世。顯大榮福。令人欽崇。是不爲難。惟極人世至卑之所。轉爲至尊之所。極人世至辱至苦之具。轉

爲至榮至樂之具。非天主莫能爲耳。如馬槽至卑陋也。自天主降生。則天神擁護。牧童來親。三王朝觀。以至世世聖賢。拜跪於斯。十字架。至辱至凶具也。自天主釘死。則帝王頂戴。甚至用以勝敵。國聖徒佩奉之。以驅魔療病。安死升天。無不由之。蓋全賴降贖之奇榮也。夫天主降生救贖。莫能名言其妙用。然一宜信之以理。一宜信之以事。蓋理之遠於人情者。信於一國。未必信於萬國。信於一時。未必信於萬世。今自宗徒敷教四方。聖聖相傳。類多致命捐軀效

法耶蘇不徒以言証之。且以身証之。卽今鐸德廣揚聖教。無不心懷聖架。就苦如飴。苟能體會其理。未有不惻然堅信。無復纖毫之可疑也者。請述其事。昔有大西總皇。恭斯當弟。諾欽崇主教。屢受隣國侵凌。王乃舉兵恢復。仰求天主。親見空中現一十字聖架。書其旁曰。以此號獲勝。王從之。旗幟甲冑悉易此號。遂滅敵衆而恢復焉。自此十字聖號冕旒頂戴。永定爲制。後其國之聖太后名厄勒納者。懷十字架不忘。親詣受難之山地尋求。知爲昔人沉埋土中。因

發其土。乃得十字架三具。罔辨孰真。先以一二釘盜刑具。試諸病人。靡有成驗。試及聖十字架。病者立痊。至今聖蹟多端云。卽今中國教友誠敬。天主身佩十字聖架。或恃畫十字聖號。立驅邪魔。立救險難。立滅罪愆。聖蹟不可殫述。皆賴天主救贖之恩。此其驗也。

復活

吾人生命之根。靈魂也。靈合軀。軀則活。離軀。軀則死。靈既離軀。不能再合。若合死軀復活。必主使之。然

亦有聖人能令死者復活者。非已能也。惟藉主佑能之。若論吾主耶穌。令死者之靈再復舊軀。則實有此權。非聖人比也。故耶穌受難時。其靈離肉軀。下古聖所。第三日全由己能。合軀而復活。不惟自己復活。兼令古聖復活。蓋其死證其爲真人。其復活證其爲眞天主也。緣耶穌旣贖人罪。卽報古聖之功。所以其靈下古聖所。俾之共享眞福。以証其實爲救世天主也。然天主性體。固不離耶穌之形。亦不離其靈。故欲其身復活。令靈合形。任己之能已。

耳譬之劖然。鋒鞘合而成劖。彼帶劖者。左手握鞘。右手抽鋒。鋒鞘雖分。而兩者總不離人之手也。上古有聖曰若白者。其言曰。我知救我之眞主活。亦知世界終日。我自土復活。吾身目擊救吾眞主。卽今吾軀苦損如是。而得復全。則後日肉軀之復活可知。若天主耶穌死不復活。則若白預知之言。不徒然哉。故聖多瑪斯釋活曰。自死者中復活。又聖阿瑟亞云。其必復活。其身不容朽也。達味聖王云。吾身安置以望。蓋必不遺吾神於古聖所容爾聖之者見朽也。此指

吾主死後降古聖所。越三日。令其靈神上合其軀而復活也。以此論之。耶穌真爲降生救世之天主復活又其一徵也。

升天

天主耶穌復活後。其身爲榮福之身。顯現於聖母聖徒宗徒。凡十有餘次。其一次見時。令宗徒名多默者。觀手足胸傷之跡。以肉身之事示之。令勿懷疑貳。復以聖跡內照之故。卽誠信其眞復活。眞天主也。復活後。仍在世四旬。常論天國事。垂種種訓。四旬畢。見

諸宗徒暨聖徒撫慰之許其遣聖神降臨則能敷
聖教於萬國凡萬國之人信而受洗遵守者必能永
享真福不信者必永受獄殃而信者因其名自有明
驗聖蹟云云言訖率聖母宗徒暨諸聖徒往厄里祿
山以已全能上升天神齊擁古聖群從聖母宗徒聖
徒以目以心送之當瞻望時有慶雲隔目而耶穌
聖軀透諸重天坐於天主父右徒輩仰望未已
天主遣天神降諭曰爾輩胡爲更瞻望乎耶穌從
爾輩中升天者日後從彼而來也聖徒領諭遂歸立

聖體之堂。祈望 聖神大恩。踰旬日。 聖神降臨。充
滿宗徒聖徒異寵。洞透萬理。不待學習。能言萬國語
音。卽矢志敷敎。惟時都會各國之人。聞宗徒言。各國
言殊駭。卽多祿。乃詳引古經以証。耶穌實爲救世
眞主。爲贖萬民之罪。故受死而復活升天。衆聞之。皆
眞悔補罪。而領聖洗者。卽日有三千人。越數日。又化
五千餘人。宗徒分往八極。訓化億兆。自是鐸德天聲。
萬國咸聞。聖道淳然興矣。

聖賢論 天主生吾人元祖。原賜大寵。肉軀不死。在

世滿 天主所定之功。靈兼形升天。及旣獲罪。寵恩
俱失。天主降生救人。贖罪賜寵。則必宜令死者復
活。必宜令復活者升天。但贖罪賜寵之功。吾人不能
明見。目擊死者復活。復活者升天。方知贖罪賜寵之
功已成矣。此其一也。天主子。惟爲 天主父所遣。
天主聖神。惟爲 天主父及子所遣。此其二也。父子
天主

聖神三位。共一性體。但有原先後而無時先後。此云
遣者須默體會。非由上命下。先時後時之謂。因
主第二位。常自稱爲父。所遣者又常稱 聖神爲父。
及吾所遣者。蓋指 天主體一位三。有原先後之別。

救世 天主旣贖罪賜寵。必宜天下萬國專奉一

主此其三也。此三者吾主耶穌以己証爲贖罪之主。不惟其復活升天亦令上古聖人同其復活升天。預許宗徒曰吾旣升天吾父及吾必遣天主聖神降臨。其旣升天果遣之。聖徒依其言蒙聖神大恩。洞徹萬國語言有驅魔療病活死者之權化兆民奉一主。由邇及遠聞天國美音欣然從教吾主耶穌之名尊於萬方正合古先知瑪辣基大聖曰從日出至於日沒之處吾名丕顯於萬民吾名指吾耶穌之名也。此皆所以證其爲救世真天主也。

解疑

或問中國自上古以來。賢哲相傳。昭事造物。主宰。是卽天主也。至於天主降生。中國書傳未載。近今凡十年。前西儒傳教方知有耶穌之名。亦未必普偏郡邑。安見天下萬國。咸奉耶穌之名。曰耶穌聖名。不顯於萬民。可證者有數端。

其一。由天主耶穌親語人曰。天地可移。吾名顯於天下萬國。此語不移。

其二。名之所及。有先後遲早。譬如太陽初升。光照天

地。山近及遠。至午日當空。則明無不徧矣。

其三。天主未降生前。惟如德亞國。知有古教。欽崇天主。其餘諸國。或事星。事日。或事已死之人。或事珍異鳥獸。異端百出。自降生救贖升天後。宗徒分散傳教。化民欽奉。
耶穌聖名。如羅瑪大西京都。其初諸異端。各事魔像。嗣後一聞。耶穌聖教所立魔廟。悉皆毀滅。無一不奉。耶穌之名。

其四。統論地球。有五大洲。每洲有數百國。自宗徒分散傳教以後。疊見鐸德到處。敷揚。耶穌聖名。大半

欽崇。

其五。中國自漢哀帝年間。天主降生如德亞國。至
救贖升天。有宗徒多默。曾渡海東來。行教中國。又唐
貞觀年間。教入中國。有景教碑頌行世。至明嘉靖時。
聖方濟各。入中國界傳教。又萬曆初年。利西泰輩。進
京。敷教不揚。耶穌聖名。由京及省。漸次徧聞。嗣是
西儒接踵而至。一與窮理。便知邪教之非。幡然崇奉
耶穌聖名。化行及遠。正未有艾也。
其六。天主降生。預言天地終窮。厥有朕兆。爾時天

下萬國無一不識吾名。盡然齊一諸異端悉歸滅熄也。

其七。天主愛人。如父之愛子。子卽不肖。非大違逆。父不棄絕。必警戒之。許其改過親近。今人當聖教廣揚之日。聞耶穌聖名。而佯爲若不聞也者。必大獲罪于天主。而爲天主慈父所棄絕之逆子也。噫。人爲天主所棄絕。可不哀哉。

善極

論善性之理。貴在施己美。欲施己美。必當施其極。苟

未盡已美之極。終未極善之功。蓋天主之性至善。
故施其美於外。則生天地神人等物。而天得廣。地得
厚。神人得靈。此爲因性之美也。若超性寵愛真福等
美。惟神人可得之。然猶未盡其極。則天主好施之
德。尚未顯其至。故又降生。以主性與人性合。蓋
主尊無極。人性至鄙。主微祛人之鄙。乃取吾人之
性。上通其尊之極。故就耶穌而謂。主眞爲人。人
眞爲主。斯爲至善之極。施夫主性。不惜與人合。
人可爲不思與主合。而欲外之哉。

愛極

論 天主降生爲人。必盡愛至極。然愛情約有七。
一。有功可愛。天主愛天神。賜之天堂之賞。因其愛
敬 主心無斁也。

二。無功可愛。如吾人元祖。身雖無功。實肇人類。預許
降贖。得拔幽沉。

三。有罪亦愛。惡人本當受罰。不遽加罰。寬限俟悔。屢
加牖照。

四。人有重罪亦愛。蓋人有重罪。宜招重罰。大慈主

不獨不罰。乃加大愛。苦身代贖。滌罪成功。昔賢曰。
主既降生。主功人罪。乃得相易。

五。人罪重十分。主受苦萬分。苦過於罪。罰乃得解。
六。天主之性。原不得受苦。受死受罰。因愛人情篤。
特覓一可以受苦受死受罰之理。單已自賤。以贖萬
世之罪。

七。顧此無極之愛。斷無可加矣。然天主愛人之情
無已。若猶有可爲罪人再受苦死者。亦甘爲之。聖加
爾玻。勸一友奉教。旋背之。聖人祈主加罰。忽耶

耶穌發顯曰。我降生受苦死。特爲罪人。汝祈我罰罪人。我不忍也。汝不改此祈。我今願再代受罪者之罰。聖人惶懼改祈。以此觀之。天主之愛罪人。豈有已乎。

慈極

論 天主救贖係無量洪慈。蓋 天主是生人大父。不但生人形軀。并生人靈神。今爲人父者。一見子有形疾。不惜生命療之矧 天主見人神病。有不大發慈憫。親爲救贖者乎。是以 主卽不降生。人罪亦可贖而 主慈則未已也。及降生爲人。人罪可以盡贖。

而主慈亦未已也。卽揮汗一點。彈淚一滴。人罪可盡贖。主慈仍未已也。卽不必勤勞終身。歷試萬苦。而人罪可盡贖。主慈終未已也。必受人世未受之苦。以贖人世不能釋之罪。主願始愴然。則主恩真罔極矣。

推論救贖之恩爲古聖可矣。又爲後聖爲善者可矣。又爲惡者。微獨救古聖後聖。善者惡者。且爲自古及今。至天地終窮。天下之罪。而悉贖之。且爲侮已者。刑已者。讐已者。而悉贖之推。主之慈。不獨爲天下萬

民皆負罪而降救也。卽普天之下。兆民之廣。而一人有罪。亦願降救。此其願惟一。天主有之。惟一。天主能副之耳。推其願。當降生之初。卽欲滿之。奚待十三載以後哉。蓋緣大父之命。不得不待時而行。故三十三載以前。未嘗一日置諸懷。待時至而願滿。所謂歷年久而澤被益弘。若決江河。而溥徧之。沛然莫之能禦耳。嗟乎。耶穌之尊。天主尊也。耶穌之身。天主身也。以天主至尊之身。爲贖我身之罪而死。卽吾人自頂至踵。受萬億之苦。不能報其萬一。

無他。主尊人卑也。吾人之身。主所造。以主所
造。還之造者。分固宜耳。乃不思己罪之重。視無上尊
之救贖。漠不動念。可乎。聖經述。耶穌復活。見二徒
於途。不令其認識。一徒於疑似間。問曰。先生何來。
耶穌曰。來自京城。一徒曰。近日。耶穌受難。此大異
事。願聞其詳。耶穌竟不以爲意。對曰。京城何事。此
見。天主愛人。爲人罪而屈己尊。受苦難而至死。若
未受者然。

顧極

善情之理。貴在賜其美。慈情之理。貴在憐人凶。顧照之理。貴在成善慈所願行之事。然有二義。一令吾人進於善。一令吾人退於惡。天主降生爲人。盡顧炤之極。拔吾人於善。包有五情。一日信。二日望。三日愛。四日力行。五日享眞福。

一。天主未降生。人皆迷於三讐。難於眞信。堅望。熱愛。力行。莫得眞福。天主旣降生。贖罪。開人之迷。易於眞信。堅望。熱愛。力行。必得眞福。夫聖人之言。雖使人信。主望。主愛。主。然其知終有所不及。迨吾

主降生。親訓吾人。以諸當信之端。則吾之信。誠實不
搖。

二。堅固人望。吾人有罪。畏天主厭棄加罰。於是悵
惘靡從難於祈禱。今主既降生救贖。則怙賴有自。
援拯可依。引手加額。敢向前求。經曰。未有子求麵而
父與石。子求魚而父與蛇者。而望德成矣。

三。熟吾人愛德。君恩止於富貴。親恩止於撫養。無君
代臣死。父代子亡之理。益無聖王代佞臣。慈父代逆
子。而受千萬苦難之事。今觀大主爲我等罪人。如

此受苦難以代贖。恩不容言。感何可已。而愛德成矣。
四。吾人力行諸善。如自古忠孝節義正直剛方。或致
身成名。或信道守死。亦及身止耳。孰肯汚其光潔之
身。戕其純聖之體。自頂至踵。捐捨贖罪人者。今吾
主降生。集蓼茹荼。博施濟衆。援人類同登天國。樹進
教者表儀。當日宗徒升天矣。聖徒升天矣。後來聖人
修道者。無不升天。欲希升天。敢不力行乎。

五。吾人得享真福。夫富貴功名。世榮也。子孫姬妾。世
族也。有聚卽散。多屬罪媒。不爲真福。若真福者。不爵

而貴。不財而富。聖神通功。不族類而繁衍。居定吉界。
壽筭無疆。今幸吾主降生。稟其聖規。皆得真福。茲
五者爲進善之端也。

何爲退惡。亦包有五情。

一。舉世奉魔。範金塑土。走邪如驚。稽疑丐祉。不曰死
生。有主命。富貴自主操。而曰神也。蓋世人迷於
本性。見邪神之貴於我。故謬而事之。天主降生。取
人性超越諸神之尊之上。則吾人知已之性。可以參
配天神。自不屑奉邪神矣。又魔自以其性貴於人。每

儼居人上。自天主降生。屈魔蹕之人下。魔何敢驕比於人哉。

二。吾人犯罪。因不重已性之貴。若明其貴。自不肯屈已性之尊。以犯罪也。天主降生。超拔吾人之性。居於諸神之上。吾人認其性之貴。何敢自穢乎。

三。凡有功者。望賞爲宜。有罪者。何敢望賞。必宜畏罰。天主降生。善者惡者。皆受寵恩。其有罪者。心將何如。自必深愧已罪。而生大愛。主之情矣。

四。人有罪。皆遠天主。而儼罪爲大。胡以去此惡。惟

見大主以至尊而降生。盡謙下之德以示人。則人之傲念自克矣。

五吾人造罪。則爲罪之奴。爲魔之役。自無力免。且贖之。因罪人之醜無限。純人之功有限。故不能自免。自贖必宜有一主性兼人性者。立無限之功。以免贖人罪。故耶穌眞爲人。眞爲主。因其爲人可立功。因其爲主。則其功之貴無限。而救贖之理全矣。總之天主降生。提我於善。抑我於惡。立聖教諸禮。如藥退病。無病不愈。可謂顧照之極矣。

義極

或疑 天主降生。救贖人罪。顯其善愛慈照之極。固然亦謂顯其義之極者何。蓋論義之理。照功罪以賞罰。而世人無一無罪者。若天主竟赦之。則仁顯而義不顯矣。惟耶穌以無罪者代贖有罪之人。則知人獲罪於天主。原無可赦之理。必待耶穌代贖之而赦之。則其義豈不極乎。今以凡端解之。

一。天主生物。依物性賦情。其生天地萬物。咸完全無缺。而備物之成。

二。天主生物不爲物。惟爲人。生人惟爲事。主以享眞福。故物爲人。人爲主。則人擬物。貴賤殊矣。

三。天地萬物之性無缺。豈人性不應完全。乃今人靈多缺不全。厭於德。偏於惡。

四。無靈者無心志。不若有靈者有心志。以立行善避惡之功。立功爲得其報。

五。天主生人。若天神之靈者。有主意。使之能別善惡。從違。而可以天報酌其功。

六。德善成性。罪惡壞性。

七。天主生吾人。願其爲善避惡。故天主助之。不然。則人性有缺。而不如物之全。

八。吾人自視已。弱於爲善去惡。宜推何由。斷非由於天主。必由於人之立意。願爲惡。不願爲善。天主愛人。內軀無物不備。其軀有病。生百藥以療之。則愛人之靈。更爲何如。宜顯至情。以爲靈病之藥。則莫若降生爲人。以此法救人於惡矣。夫主於人罪。旣不忍不赦之。又不徒赦之。則降生豈非主慈旣極。而主義亦極乎。

天主降生爲人。慈義並顯。茲欲明其嚴之極。宜知
天主愛耶穌形與神之深切。較愛諸神聖之情萬
不比一。今併開闢以至終盡之人。所受苦難。擬耶穌
所受之苦難。亦萬不比一。耶穌自無罪。亦不得
致有罪。但因願贖人罪。以人罪悉居於躬。獻己功於
天主。代受無限不能解之顯戮。夫天主極愛之親
子。嚴罰如是。無非爲我輩罪。我輩再不改悔。則受
主之嚴罰。又當何如。譬之朝廷欲罰叛臣。有寵愛之
元子。身代其罰。至受萬苦以死。而叛臣復不改悔。有

不受朝廷之重戮者乎。故聖人愈明贖恩之大。愈懷
畏主之心。不但爲已罪重。亦爲主恩。主恩愈
大。主罰愈嚴也。

能極

論 天主降生救贖允稱能極。其義有三。

一。天主未降生前。萬國魔教百端。魔像蕃盛。人皆
信奉邪魔。自天主降生救贖後。人心歸正。厭惡邪
魔。欵愛造物。眞主識認被釘十字架上之耶穌。
實爲至尊無對之天主。非由天主全能。何能令

奉事翕然至此

其一。天主救贖人罪。被釘而死。爾時日月諸星失光。山崩地震。鳥獸哀鳴。一切無生無覺之物。皆爲改常。若有悽慘者。甚至死人復活。非由天主全能。何能令感傷示變至此。

其二。天主性體。與人類性體。尊卑迥然。極難融合。自天主降生。則以天主性合人性。自此人性卑賤。可與天主性體相通。非天主能極。何能令融通無間。至此乎。

智極

天主之智在選救罪之法。必使慈不傷義。憐不傷公。嚴不傷愛。莫若降生代贖之法。此法約有三意。
一。爲醫吾人神病。拔其根。吾人因元祖之本罪。爲吾人類之原罪。其罪有一。一逆。主命。一傲擬。天主。主釘十字架死。以極謙之德退傲。以極孝之德退逆。如涼藥愈熱症。熱劑痊寒疾也。

二。釘十字架死。以完救贖之功。何因一人有罪。而人類受無數之苦。必宜有一人無罪者代贖之。而使人

類享無限之安。因一人而得死。必宜有因一人而得生。因一人而受罰。必宜有因一人而受賞。因一人而天門閉。獄門開。必宜有因一人而獄門閉。天門開。因一人罪而受永罰。必宜有因一人功而受永賞。因一人而使人類爲魔之奴。必宜有因一人而反使魔爲人之奴。魔用樹寶。以誘吾人之元祖。宜主用木本。以敗魔之邪謀。魔用厄禱驕傲之女。以誘亞當。宜用一大謙之女聖母瑪利亞。以誕生耶穌。魔用亞當以壞人性。天主用耶穌以補全人性。

三爲耶穌之榮。凡敗讐者用己兵。雖榮不榮。惟用
讐之兵以敗讐。爲大榮。吾人原祖得主原義。其靈
有主寵。其形得常生之恩。若保此原義。必得天地
兩福。魔妬人之大幸。慮人得己所失之福。願其皆失。
故誘之得罪。天主容魔誘。失主寵恩。而形神
俱死。遂失主福。決招生死兩禍。宜主救贖。使吾
形神再得所失之生恩。主欲以己死救吾死。故
主未死。則救吾死之功未成。未成。吾人不能得生。
主既死。救吾人死之功畢成。畢成。吾人再得所失之

生聖人所謂耶穌之死吾人之生也。救功旣成慈義兩臻其極斯其爲智無以尙矣。

或問天主降生救贖顯其性體妙用恐未必盡其極如天主化成天地顯其妙用可云盡其極歟曰否天主第二位降生救贖乃妙用之極也縱有造成千萬天地之功豈能比其萬一哉蓋天主生天生地生人生物其施於彼者各有定限及其降生以已性合於人性則所施於人者妙無限量矣此非由天主之善極愛極慈極何能至此

寵恩

天主救贖我等。不以悔過遷善。升陟天階者。其恩莫之與京矣。第人智力甚微。或初守規程。而漸離畔岸。或始猶踐勉。而卒至懈弛。或入聞訓誡。而憂出見靡麗。而悅對。賢友而正心。近便嬖而邪慝。求其慎終如始。日新又新者。戛戛乎難之。故耶穌救贖之後。復加寵照。慈愛靡已。如良醫竭盡心智。以辨諸藥。療治萬病。業有成效。其方藥遺後。病者遇之立愈。舉世病者。當無不信其精良矣。乃有疑而不服其藥。以致病。

入膏肓。非醫之咎也。天主親嘗萬苦。備具諸藥。愈人神病。人必順其命。信服弗疑。始得存養靈神。上沾恩寵。不至殞絕其命焉。今論聖寵之恩。大約有六。

一。天主聖寵加人。則視之猶子。蓋吾人於主無功有罪。天主微獨不遑加罰。又爲之救贖。且以爲愛子。許其悔悟上升。譬諸叛僕。赦之仍畀以寵任。又視爲己子。恩有出於望外者。聖若望曰。天主聖寵之大也。始我爲罪人。今不惟名爲天主義子。且實

爲天主義子矣。

二。聖寵爲萬善萬福之基。人所以失聖寵者。背主向物耳。故一失聖寵。萬苦悉招。如一國王爲一菓之微。遂至失國。所爲小者。而所失者大。不亦愚乎。故欲享天國之福。必捐世上所有。以其全神。默祈於主。思言行爲。罔敢隕越。然猶皇皇惟恐不得。斯得之矣。三。聖寵能新人之靈魂。蓋人之罪染。如癩病然。癩惡有三。一醜如魔。二穢如屍。三無用如枯體。昔露際弗爾。先爲天神。一失聖寵。變爲魔鬼。醜矣。凡疫死者。毒氣猶在。恐其傳染。人莫敢近。穢矣。枯體不能視色。不

能聽聲。香不能嗅。味不能嘗。無用極矣。人若刻意自新。可獲聖寵。一獲聖寵。如癩得醫。易醜爲美。轉穢爲馨。起死復活。慶莫大焉。故聖女加大利納。嘗以一耶穌降生救贖爲累。厥後適見一人靈魂。有超性聖寵之美妙。乃嘆曰。吾今而後知。耶穌慈愛無極也。何訝其降生爲人受苦難乎。

四。聖寵如翼。有則可以上升。人之有聖寵者。其靈爲聖三寶座。蓋人之爲善。雖本厥衷。亦得力於輔翼。前進。觀夫慈母育兒。必俟自行目食。始免於懷。嚴父教

子必得克孝克友。方如其願。良師訓弟。必期文修行
修。乃底於成。聖寵及我。以啓挈我升天。如父母師保
之真切引翼。不啻導雛之飛者然。

五聖寵爲 天主特愛之效驗。蓋 天主於人。如父
之於子。固無所不愛矣。然承順親旨者。彌加篤愛。故
吾人得蒙聖寵。靈魂與 天主合。昔宗徒葆祿。未入
教時。讐視奉聖教者。欲謀滅絕之。耶穌發其隱曰。
何故害我。葆祿不勝戰懼。曰。佛爲誰。耶穌曰。我
是 耶穌。卽汝所欲害者。是時 耶穌已升天。葆

祿曷害宗徒聖徒等而耶穌云然者蓋耶穌愛門弟如子以其身爲己身也則其患猶己患也吾人胡不自愛其身而甘於自害乎害已卽獲罪於耶穌矣

六聖寵爲吾人之大命蓋耶穌如元首靈魂得聖寵相合如四肢聯合於首血氣相貫首旣上升四肢焉往第恐愛德浸衰便似四肢廢痺血氣不接誠能拳拳奉持得之勿失定_旨上升倘旋得旋失難免下墜余故推天主寵愛諄諄爲修士告願人以天

主之愛而自愛。慎毋曰：懋修之德。吾固有志。而苦力不足也。

效驗

天主生人之初。人極純懿。天主付以自明之德。謂之性教。因負原罪。慾根盤固。本罪生焉。本罪既生。人心蒙蔽。天主特授以十誡。詔示萬世。謂之經教。其後人類繁多。嗜慾煩熾。類聚群分。邪說迭起。人力竟弱。主始降救。謂之恩教。其畧大都有八。

一。開明正教。經稱。耶穌爲眞光。方不降生。舉世如

夜。迨降生後。始得光華復旦。金口玉言。滅太陽之光。難滅吾主。新教愈難也。

二。以身立極。爲世人標準。雖大聖賢亦必瞻仰效法。始成真德。宗徒葆祿曰。上古天主有命。默示聖人。今則親語吾輩。雖鈞屬聖恩。後爲奇矣。

三。以身克制邪魔。自昔天主初生。人祖亞當賜以超性之德。自犯天主之命。子孫染其元罪。魔勢難敵。主旣降生。魔鬼咸_在羣。限其定能。不得恣意肆毒。卽魔之與人爲讐也。人之近魔。必不能肆毒。

害之。世人委身於魔。

毒染哉。

四。以身贖萬民之罪。人雖有聖賢訓誡。無赦免之權。天主愛人。不忍絕也。故統無偶之權。自降爲人代贖。而人罪爰拔。經云。主以萬民之罪。總聚一身。其心多憂多痛。是也。

五。天主救古聖人。脫之幽冥。古聖無愆者。理宜升天。因原罪之累。不獲上升。待主降生。以身先升。爲受福之首。而後古聖後聖。相繼升焉。信經云。我信其降。獄是也。

六 大主於人復相係合。其二初人

寫 主之讐

也。今蒙主救贖矣。人與主日親愛。主亦與人彌深愛惜。故聖奧斯定曰。今而後不失望矣。此之謂也。

七。救萬民於永禍。而得永福。蓋天主降生。則人罪盡贖。天門遂開。人苟眞信者。加以超性寵愛。諸德不使其失所。聖經所載真福八端是也。

八。救贖世人升天。爲補中缺位。蓋天主旣斥露際弗爾等諸儂神於一之位缺矣。今取謙順

恭敬考俾之升天補

人見

天主舉謙抑傲

之公心云。凡此八端。人奉宗祖之諭。激切篤望。恒發聲號。惟願天主。自天速降。是以贖正符古經預兆。非偶然也。夫耶穌既爲救世之真。天主。人不當極信極敬極愛之乎。

ANISON MÈRE DES SOEURS
MÉTIERS DE L'IMMACULÉE-CONCEPTION
2200, CHEMIN SAINTE-CATHERINE
MONTRÉAL, P. O. CANADA